

A Fundación Luzes convoca a IIIª edición do **Premio Pablo L. Orosa de fotoxornalismo e fotodocumentalismo**.

O obxectivo do premio é dar anualmente visibilidade a temas de interese da realidade galega, así como abrir novas ventás ao fotoxornalismo en Galicia e tamén homenaxear ao fotoxornalista e escritor galego Pablo L. Orosa, como exemplo das achegas de excelencia que profesionais novas poden desenvolver nesta actividade.

**Bases:**

## **Primeira: Temática e condicións**

1. O concurso vai dirixido a **persoas maiores de 18 anos**.
2. As imaxes terán un **carácter documental** e a temática versará sobre **algún acontecemento ou tema relevante para a sociedade galega**.
3. As fotografías poden estar publicadas, pero non premiadas noutros certames.
4. Deberán **formar unha serie de 7 imaxes numeradas** en orde narrativa que constrúa un relato coas fotografías. A serie completárase cun breve resumo ou sinopse que mencione as razóns que guiaron o traballo, eventuais atrancos e/ou dificultades na súa realización.
5. Non se aceptarán fотомontaxes, nin imaxes modificadas no seu contido.
6. Cada participante garante que é autor/a único/a das fotografías e **titular de todos os dereitos de autor/a** das mesmas.

## **Segunda: Presentación das imaxes**

1. Fotografías en **branco e negro ou en cor**.
2. **Formato dixital JPEG** con dimensións máximas de 3000 píxeles no lado maior.
3. O tamaño total dos arquivos non pode superar aos **5 Mb**.
4. Modo de cor sRGB.
5. Poderán incluír **metadatos** nos que se indique: título, autor/a, lugar e data da toma, descrición do acontecemento e, se fose de interese, nome dos protagonistas.
6. A reportaxe deberá ter **título**.

## **Terceira: Envío das fotografías**

1. As fotografías enviaranse por medio dun **correo electrónico** ao seguinte enderezo: [premios@fundacionluzes.gal](mailto:premios@fundacionluzes.gal). No asunto indícase: «Para o IIIº PREMIO PABLO L. OROSA DE FOTOXORNALISMO da Fundación Luzes» e o mesmo nome que figure nos arquivos JPEG das fotografías. No texto do correo inclúiranse os datos identificativos do participante: Nome e apelidos, DNI ou pasaporte, enderezo postal, enderezo de correo electrónico e número de teléfono.

## **Cuarta: Prazo de recepción de obras**

1. As obras presentaranse entre o 15 de setembro e o 15 de outubro de 2023.

## Quinta: Dotación do premio

1. O premio terá unha dotación económica de 2.500 €.
2. A criterio do xurado, o premio **poderá quedar deserto** ou dividirse en partes iguais entre varios participantes gañadores/as.

## Sexta: Composición do xurado

1. O xurado estará composto por: Manuel Bragado, presidente da Fundación Luzes; Manuel Álvarez, fotógrafo e membro do padroado da Fundación Luzes; Isabel Romero, profesora do CIFP Imaxe e Son da Coruña e membro do padroado da Fundación Luzes; María Carmen Ciller profesora titular da Universidade Carlos III de Madrid e membro do padroado da Fundación Luzes, os codirectores da Revista *Luzes*, Xosé Manuel Pereiro e Manuel Rivas e 2 fotógrafos/as de recoñecido prestixio no ámbito do fotoxornalismo.
2. Isabel Romero exercerá de secretaria, encargándose de redactar a acta.

## Sétima: Ditame do Premio

1. A decisión do xurado farase pública na páxina web da Fundación Luzes e nas súas redes sociais a semana do **16 de novembro**, data do falecemento do xornalista Pablo L. Orosa.
2. O ditame do xurado será inapelable.

A presentación de traballos a este concurso implica a aceptación íntegra das bases recollidas en [www.fundacionluzes.gal](http://www.fundacionluzes.gal). Calquera aspecto non contemplado nas bases poderá ser resolto pola organización ou polos membros do xurado.